

I-III/2021


Тархаасан: 2021 оны 4 дүгээр сарын 12



Бүртгэгдсэн гэмт хэрэг өмнөх оны мөн үеэс 2326 (29.1%) -гаар буурсан байна.

Бүртгэгдсэн гэмт хэрэг 2021 оны эхний улиралд 5677 болж, өмнөх оны мөн үеэс 2326 (29.1%)-гаар, өмнөх сараас 140 (6.2%)-өөр буурсан байна. Нийт бүртгэгдсэн гэмт хэрэг өмнөх оны мөн үеэс буурахад өмчлөх эрхийн эсрэг гэмт хэрэг 2132 (43.4%), хулгайлах гэмт хэрэг 1424 (63.6%), мал хулгайлах гэмт хэрэг 262 (51.7%), хүний эрүүл мэндийн халдашгүй байдлын эсрэг гэмт хэрэг 217 (11.2%), дээрэмдэх 118 (67.8%), хөрөнгө завших 88 (47.1%), хөдөлгөөний аюулгүй байдал, тээврийн хэрэгслийн ашиглалтын журмын эсрэг гэмт хэрэг 81 (35.1%)-ээр тус тус буурсан нь голлон нөлөөлжээ. Харин олон нийтийн аюулгүй байдал, ашиг сонирхлын эсрэг гэмт хэрэг 193 (3.1 дахин), цахим мэдээллийн аюулгүй байдлын эсрэг гэмт хэрэг 28 (82.4%)-аар тус тус өссөн байна.

Зураг 1. Бүртгэгдсэн гэмт хэрэг, сараар



Гэр бүлийн хүчирхийллийн улмаас үйлдэгдсэн 388 хэргийн 33 (8.5%) нь Монгол Улсын Эрүүгийн хуулийн 11.7 дугаар зүйл (Гэр бүлийн хүчирхийлэл үйлдэх гэмт хэрэг)-ээр зүйлчлэгдсэн байна.

Гэр бүлийн хүчирхийлэл үйлдэх гэмт хэрэг 2021 оны эхний улиралд 33 бүртгэгдсэн нь өмнөх оны мөн үеэс 7 (26.9%)-гоор өсжээ. Харин гэр бүлийн хүчирхийлэл үйлдэх гэмт хэрэг 2021 оны 3 дугаар сард 16 бүртгэгдсэн нь өмнөх сараас 2 (14.3%)-оор өссөн байна.

Гэр бүлийн хүчирхийллийн улмаас 2021 оны эхний улиралд 2777 зөрчил бүртгэгдсэний 2017 (72.6%) зөрчлийг шалган шийдвэрлэжээ. Гэр бүлийн хүчирхийллийн улмаас үйлдэгдсэн нийт зөрчил өмнөх оны мөн үеэс 354 (11.3%)-өөр, шийдвэрлэсэн зөрчил 227 (10.1%)-гоор тус тус буурчээ.

16, түүнээс дээш насны 10000 хүнд ногдох бүртгэгдсэн гэмт хэрэг 2021 оны эхний улиралд 27 болж, өмнөх оны мөн үеэс 11 (28.9%)-ээр буурсан байна. Харин 2021 оны 3 дугаар сард өмнөх сараас 1 (9.1%)-ээр буурсан байна.

Согтуугаар үйлдсэн гэмт хэрэг 2021 оны эхний улиралд 1057 болж, өмнөх оны мөн үеэс 258 (32.3%)-аар, гэр бүлийн хүчирхийллийн улмаас үйлдсэн хэрэг 388 болж, 109 (39.1%)-өөр өсөж, харин эмэгтэй хүн оролцсон хэрэг 686 болж, 33 (4.6%), бүлэглэн үйлдсэн хэрэг 285 болж, 131 (31.5%)-ээр, хүүхэд оролцсон хэрэг 76 болж, 35 (31.5%)-аар, мансуурсан үедээ үйлдсэн хэрэг 48 болж, 14 (22.6%)-өөр тус тус буурчээ.

Зураг 2. Учирсан хохирол, нөхөн төлүүлсэн хохирол, сараар, тэрбум төгрөгөөр



Гэмт хэргийн улмаас учирсан хохирол 2021 оны эхний улиралд 42.6 тэрбум төгрөг, нөхөн төлүүлсэн хохирлын хэмжээ 9.8 тэрбум төгрөг болж, өмнөх оны мөн үеэс учирсан хохирол 5.3 (14.1%) тэрбум төгрөгөөр, нөхөн төлүүлсэн хохирол 3.9 (64.7%) тэрбум төгрөгөөр тус тус өссөн байна.

Хүснэгт 1. Гэмт хэргийн улмаас хохирсон, гэмтсэн, нас барсан хүн, насны бүлгээр, хүйсээр, жил бүрийн эхний улирлын байдлаар


Үзүүлэлт	Хохирсон хүн		Гэмтсэн хүн		Нас барсан хүн	
	2020 I-III	2021 I-III	2020 I-III	2021 I-III	2020 I-III	2021 I-III
7 хүртэлх	41	36	10	11	25	13
8-17	269	183	74	62	11	5
18-29	1 989	1 333	649	506	35	29
30-39	2 499	1 781	669	627	39	48
40-49	1 627	1 197	347	371	59	37
50-59	934	565	195	185	60	35
60-69	333	191	53	47	26	12
70, түүнээс дээш насны	70	49	9	17	6	4
Улсын дүн	7 762	5 335	2 006	1 826	261	183
Эмэгтэй	3 247	2 366	774	722	74	48

Гэмт хэргийн улмаас хохирсон хүн 2021 оны эхний улиралд 5.3 мянга болж, 219 (4.1%) нь 18 хүртэлх насны хүүхэд, 2366 (44.3%) нь эмэгтэйчүүд байна.

Гэмт хэргийн улмаас 2021 оны эхний улиралд 1826 хүн гэмтэж, 183 хүн нас барсан нь өмнөх оны мөн үеэс гэмтсэн хүн 180 (9.0%)-аар, нас барсан хүн 78 (29.9%)-аар буурсан байна.

Гэмт хэргийн улмаас 2021 оны эхний улиралд хохирсон 5335 хүний 36 (0.7%) нь 7 хүртэлх насных, 183 (3.4%) нь 8-17 насных, 1333 (25.0%) нь 18-29 насных, 1781 (33.4%) нь 30-39 насных, 1197 (22.4%) нь 40-49 насных, 805 (15.1%) нь 50, түүнээс дээш насныхан байна.

Зураг 3. Гэмт хэрэгт холбогдсон яллагдагч, насны бүлгээр, жил бүрийн эхний улирлын байдлаар



Гэмт хэрэгт холбогдсон нийт яллагдагчдын тоо 2021 оны эхний улиралд 3326 болж, өмнөх оны мөн үеэс 110 (3.4%)-аар өссөн байна. Нийт гэмт хэрэгт холбогдсон яллагдагчийн 97 (2.9%) нь 18 хүртэлх насны хүүхэд, 471 (14.2%) нь эмэгтэйчүүд байна.

Гэмт хэрэгт 2021 оны эхний улиралд холбогдсон нийт 3326 яллагдагчийн 37 (1.1%) нь 14-15 насных, 60 (1.8%) нь 16-17 насных, 1276 (38.4%) нь 18-29 насных, 1106 (33.3%) нь 30-39 насных, 571 (17.2%) нь 40-49 насных, 276 (8.3%) нь 50, түүнээс дээш насных байна.

Улсын хэмжээнд 2021 оны эхний улиралд 18.7 мянган хүн эрүүлжүүлэгдэж, 3.8 мянган хүн баривчлагдсан нь өмнөх оны мөн үеэс эрүүлжүүлэгдсэн хүн 8.4 (30.9%) мянгаар буурч, харин баривчлагдсан хүн 166 (4.6%)-гаар өссөн байна.

Ойлголт, тодорхойлолт:

Гэмт хэрэг: Монгол Улсын Эрүүгийн хуулийн тусгай ангид заасан нийгэмд аюултай гэм буруутай үйлдэл, эс үйлдэхүйг ойлгоно.

16, түүнээс дээш насны 10000 хүнд ногдох бүртгэгдсэн гэмт хэрэг: Тухайн хугацаанд бүртгэгдсэн нийт гэмт хэргийн тоог 16, түүнээс дээш насны хүн амын жилийн дундаж тоонд харьцуулж, 10000-аар үржүүлж тооцно.

Хохирогч: Монгол Улсын “Эрүүгийн хэрэг хянан шийдвэрлэх тухай” хуульд заасны дагуу гэмт хэргийн улмаас амь нас, эрүүл мэнд, бусад эрх, эрх чөлөө, эд хөрөнгийн болон эд хөрөнгийн бус хохирол хүлээсэн хүн, хуулийн этгээдийг ойлгоно.

Гэмт хэргийн хохирол: Монгол Улсын Эрүүгийн хуулийн тусгай ангид заасан гэмт хэргийн улмаас хүний амь нас, эрүүл мэнд, эд хөрөнгө, бусад эрх, эрх чөлөө, нийтийн болон үндэсний ашиг сонирхол, аюулгүй байдалд шууд учирсан үр дагаврыг гэмт хэргийн хохиролд тооцно.

Яллагдагч: Монгол Улсын “Эрүүгийн хэрэг хянан шийдвэрлэх тухай” хуульд заасны дагуу эрүүгийн хэрэг үүсгэж яллагдагчаар татах тогтоолтой танилцсан сэжигтнийг ойлгоно.

Эх үүсвэр: Цагдаагийн ерөнхий газрын мэдээлэл

Ангилал, код: Гэмт хэргийн статистикийн олон улсын ангилал

Мэдээлэл авах линк:

<http://www.nso.mn/>
<http://www.1212.mn/>



Дараагийн мэдээ тархаах хуваарь: 2021 оны 5 дугаар сарын 17

*Хүн ам, нийгмийн статистикийн
газрын дарга А.Амарбал
Утас: (976-51)-264805*

*Хүн ам, нийгмийн статистикийн
газрын статистикч Ц.Дулмаа
Утас: (976-51)-263966*



@StatisticMongolia



@statistic_mn



information@nso.mn



Лавлах утас 1900-1212